



Na osnovu člana 9. Zakona o kantonalnim ministarstvima i drugim tijelima kantonalne uprave ("Službene novine Hercegovačko-neretvanskog kantona", broj: 4/98, 1/02 i 4/07), Odluke Vlade HNK o načinu utroška novčanih sredstava, broj: 01-102-2444/23 od 11.10.2023. godine i Odluke Vlade HNK o davanju saglasnosti za raspisivanje Javnog poziva za predlaganje projekata iz oblasti omladinskog sektora, broj: 01-102-2791/23 od 24.11.2023. godine Ministarstvo obrazovanja, nauke, kulture i sporta HNK, **objavljuje**

**JAVNI POZIV**  
**za predlaganje projekata iz područja OMLADINSKOG SEKTORA**  
**radi sufinansiranja iz sredstava Ministarstva obrazovanja, nauke, kulture i sporta**  
**Hercegovačko-neretvanskog kantona**

**Predmet javnog poziva** je prikupljanje zahtjeva mladih, udruženja/neprofitnih organizacija za finansiranje/sufinansiranje projekata za mlade koji imaju za cilj:

- zadovoljavanje društveno korisnih potreba mladih životne dobi od 15 do 30 godina sa područja HNK,
- unapređenje kapaciteta postojećih i budućih organizacija za mlade u HNK,
- originalne, zanimljive, inovativne i korisne projekte koji podstiču mlade da se uključe, budu aktivni članovi i promotori sredine (HNK i lokalna zajednica) u kojoj žive,
- poboljšanje života mladih, promovisanje volonterizma i timskog rada,
- razvoj kreativnih sposobnosti mladih u segmentu srednjoškolskog odgoja i obrazovanja, nauke, edukacije, umjetničke, sportske i kulturne djelatnosti,
- koji potiču mlade na demokratiju, ekologiju, toleranciju i ravnopravnost spolova,
- koji se odnose na kreativno izražavanje (književnost, likovna umjetnost, muzika, ples, umjetnička fotografija, film i sl.),
- projekte u oblasti mobilnosti, sigurnosti, društvenog života i slobodnog vremena mladih,
- da doprinosi upoznavanju mladih o prevenciji štetnih posljedica društveno neprihvatljivih oblika ponašanja,
- projekte od uticaja na prevenciju ovisnosti, očuvanje mentalnog zdravlja i promociju zdravog života mladih,
- da je usmjeren na angažovanje i uključivanje u društvene procese mladih iz kategorije marginaliziranih grupa (npr. osobe sa invaliditetom, nacionalne manjine, socijalno ugrožene grupe itd.).

## **I Pravo učešća**

Pravo učešća na Javnom pozivu imaju sva fizička lica (mladi do 30 godina) koja imaju prepoznatljive rezultate u omladinskom radu, omladinska udruženja koja su registrovana u Bosni i Hercegovini i imaju sjedište na području HNK, a čiji projekti će se realizovati u interesu mladih na teritoriji HNK, organizacije i udruženja građana koje su registrovane kod nadležne institucije u HNK za obavljanje poslova iz tražene djelatnosti, koje ispunjavaju opšte i posebne uslove po ovom javnom pozivu i koje nemaju smetnje za učešće na Javnom pozivu, kao i neformalne grupe mladih (vijeća učenika srednjih škola i dr.), uz administrativnu podršku ustanove ili udruženja sa područja HNK.

Dodjela sredstava po ovom javnom pozivu će se vršiti za projekte za koje je nadležno tijelo/organ udruženje/neprofitna organizacija donijela odluku da će se realizirati u 2023. godini odnosno čija će realizacija projekta započeti u 2023. godini.

Udruženje/neprofitna organizacija koja aplicira po ovom javnom pozivu može kandidovati isključivo jedan projektni prijedlog.

Sredstvima koja se dodjeljuju u okviru ovog javnog poziva mogu se finansirati administrativni i materijalni troškovi u maksimalnom iznosu od 20% od dodijeljenih sredstava, dok najmanje 80% dodijeljenih finansijskih sredstava treba biti utrošeno za programske aktivnosti projekta.

## **II Obavezna dokumentacija:**

- a. Popunjen prijavni obrazac;
- b. Kopija rješenja o upisu u registar nadležne institucije;
- c. Uvjerenje o poreznoj registraciji – identifikacijski broj, a za fizičko lice biografija sa dokumentacijom;
- d. Kopija ugovora s bankom ili potvrda od banke iz koje se vidi ko je vlasnik navedenog računa;
- e. Projektni prijedlog (**obrazac P.P.**);
- f. Matrica logičkog okvira projekta (**obrazac MATRICA**);
- g. Dinamički plan aktivnosti projekta (**obrazac DINAMIKA**);
- h. Pregled budžeta projekta (**obrazac Budžet**);
- i. Program rada udruženja/neprofitne organizacije za 2023. godinu usvojen od nadležnog tijela udruženja/neprofitne organizacije prema osnivačkom statutu;
- j. Kopija uvjerenja o izmirenim poreskim obavezama (ne starije od 90 dana);

- k. Kopija uvjerenja o izmirenim poreskim obavezama i doprinosima za zaposlenike (ne starije od 90 dana, ukoliko ima zaposlenika);  
*\* udruženje/neprofitna organizacija koja nema zaposlenike i neizmirenih obaveza, dostavlja pisanu izjavu potpisanu i ovjerenu od strane ovlaštene osobe za zastupanje u pravnom prometu te ovjerenu od nadležne općinske službe;*
- l. Kopija bilansa stanja i bilansa uspjeha za 2022. godinu;
- m. Izjava da li su za projekat koji se kandidira/dostavlja u 2023. godini već odobrena sredstva od strane drugih organa uprave HNK ili od organa uprave na bilo kojem nivou vlasti u BiH (**obrazac IZJAVA 1.**);
- n. Izjava da je podnosilac aplikacije za realizaciju projekta osigurao najmanje 20% finansijskih sredstava iz vlastitih ili drugih izvora u skladu sa finansijskim planom projekta koji kandidira (**obrazac IZJAVA 2.**);
- o. Izjava ovlaštene osobe za zastupanje udruženja da je realizacija projekta započela u 2023. godini (**obrazac IZJAVA 3.**);
- p. Izjava ovlaštene osobe za zastupanje udruženja da će se najmanje 80% finansijskih sredstava utrošiti za programske aktivnosti projekta dok će najviše 20% biti utrošeno za administrativne i materijalne troškove (**obrazac IZJAVA 4.**);

### **III Sredstva za realizaciju projekata iz oblasti omladinskog sektora u iznosu od 80.000,00 KM dodijelit će se na osnovu bodovnih kriterija:**

- |  |                 |
|--|-----------------|
| -stepen doprinosa afirmaciji stvaralaštva mladih sa područja HNK u segmentu obrazovanja, nauke, edukacije, umjetničke, sportske i kulturne djelatnosti u cilju promocije kantona i lokalne zajednice | od 1 - 5 bodova |
| -da doprinosi upoznavanju mladih o prevenciji štetnih posljedica društveno neprihvatljivih oblika ponašanja  | od 1 - 5 bodova |
| - da je usmjeren na popularizaciju zdravih životnih stilova mladih   | od 1 - 5 bodova |
| -da ima za cilj građanski aktivizam, ekologiju, zdrav način življenja, borbu protiv ovisnosti, reproduktivno zdravlje  | od 1 - 5 bodova |
| -da je usmjeren na angažovanje i uključivanje u društvene procese mladih iz kategorije marginaliziranih grupa (npr. osobe sa invaliditetom, nacionalne manjine, socijalno ugrožene grupe itd.)       | od 1 - 5 bodova |
| -stepen doprinosa u oblasti mobilnosti, sigurnosti, društvenog života i slobodnog vremena mladih   | od 1 - 5 bodova |

Prioritet za dodjelu sredstava imaju projekti iz oblasti obrazovanja, nauke, edukacije i poduzetništva mladih i koji doprinose:

- promovisanju, unapređivanju i približavanju obrazovanja i nauke mladima i unapređenju obrazovnog i stručnog usavršavanja (npr. edukacije o pisanju projekata, edukacije očuvanja i njegovanja književno-kreativnog izražavanja, kao i likovne umjetnosti, muzike, plesa, umjetničke fotografije, filma i sl., u cilju promocije kantona i lokalne zajednice),
- promovisanju, unapređivanju i približavanju neformalnog obrazovanja i cjeloživotnog učenja mladima,
- unapređenju socijalne inkluzije za mlade sa poteškoćama u razvoju,
- zaštiti i borbi protiv nasilja (edukacije o prepoznavanju i suzbijanju međuvršnjačkog nasilja i maloljetničkog prestupništva, nasilja u porodici, internet nasilja, huliganstva...).

#### **NAPOMENE:**

-Udruženja/neprofitne organizacije koje su registrovane u 2023. godini nisu obavezne dostaviti dokumentaciju pod j., k. i l.

#### **Projekti koji neće biti sufinansirani po ovom javnom pozivu:**

- **Neblagovremena i nepotpuna ili netačna projektna aplikacija;**
- **Individualne stipendije za studije ili trening kurseve;**
- **Projekat koji je usmjeren na promociju političke stranke;**
- **Dodjeljivanje grantova trećoj strani.**

**Udruženja/neprofitne organizacije mladih, kojima budu dodijeljena sredstva, obavezna su dostaviti ovom ministarstvu izvještaj o utrošenim sredstvima (narativni i finansijski izvještaj sa dokazima o utrošku dodijeljenih sredstava), na propisanom obrascu (obrazac IZVJEŠTAJ), u roku od 90 dana od dana uplate novčanih sredstava.**

#### **Evaluacija i odabir prijedloga projekata**

Komisija vrednuje prijave pristigle na Javni poziv za dodjelu sredstava neprofitnim organizacijama i udruženjima namijenjenih za finansiranje/sufinansiranje projekata iz oblasti mladih iz Budžeta HNK sa pozicije Ministarstva obrazovanja, nauke, kulture i sporta na osnovu bodovnih kriterija utvrđenih javnim pozivom (od 1 do 5), koristeći se skalom **od 1 do 5.**

Pregled odnosno razmatranje pristiglih prijava na ovaj javni poziv izvršit će Komisija koju imenuje ministar. Prijedlog projekata koji će se finansirati/sufinansirati iz Budžeta HNK za 2023. godinu, sa pozicije Ministarstva obrazovanja, nauke, kulture i sporta HNK, ministar će dostaviti Vladi Hercegovačko-neretvanskog kantona radi konačnog izbora.

**KONAČNA RANG LISTA ĆE BITI OBJAVLJENA NA ZVANIĆNOJ INTERNET STRANICI MINISTARSTVA OBRAZOVANJA, NAUKE, KULTURE I SPORTA HERCEGOVAĆKO-NERETVANSKOG KANTONA.**

**IV** Prijavu, kao i sve ostale prateće obrasce definisane Javnim pozivom možete preuzeti sa web stranice Ministarstva obrazovanja, nauke, kulture i sporta HNK, te iste popuniti, a zatim u printanoj formi, sa ostalom pratećom dokumentacijom i obaveznom napomenom: „Za Javni poziv iz područja omladinskog sektora“, dostaviti lićno na protokol Ministarstva, u vremenu od 11 do 14 sati ili poštom na adresu:

**Ministarstvo obrazovanja, nauke, kulture i sporta HNK  
Stjepana Radića br. 3  
88000 Mostar**

Nepotpune i nepravodobne prijave neće se uzimati u razmatranje.

Rok za podnošenje prijava je petnaest (15) dana od dana objavljivanja Javnog poziva na web stranici Ministarstva.

***MINISTAR***

---

***prof. dr. Adnan Velagić***